

العَبِيدُ الْفَوَاحِ

مِنْ بَيْتَاتِ أَشْجَارِ



saddahalotaih



سُرُّ السَّاحِ

ياظالمين الشعر ب الله على وين ؟
إن كان للشعر متنبين .. حنا
(بندر) طلع مبطي و(سداح) هلحين
غير إقصروا فعلمكم بس عنا
راجح المغيري





@lafialosimey



الحمد للّٰي تجود الناس من جوده
من رحمته بالخلايق فاتح باب
نرفع له الشكر حتى فضله يزوده
معادله وارده في محكم كتابه
يا الله لك المنّة ولا هيب مجوده
أولى بها والثناء سبحانك أولى به
بأمنك بلادي من البلدان محسوده
اللي بها الخوف والحيره وما شابه
الحرب منها وفيها يفتل عضوده
بالاسم دوله .. وفي قانونها غابه
عاشت بلادي بستر الله محموده
معزوله عن العناء والظلم وأسبابه
درّة بحر فارقه بالنوع والجوده
المجد فُصّل عليها غالي ثيابه
تاريخها زاهر بوقفات مشهوده
سحابية ثابتته بالخير صبّابه
في ظل شيخ يسوق المجد ويقوده
في مدحه الشّعْر يزهي به ويحلى به
سمو أمير البلاد .. العزّ بوجوده
ياخذ نصيبه من اسمه ويتسمّابه
صُبْحَانِكَ يَا حَمْدُكَ صباح انوار ممدوده
شمس الكويت بسمها نار شبّابه
من يوم سَخَّر للإنسانية جهوده
وقّف له العالم .. وسجّل له إعجابه
تاج الفخر والكبود السود ملهوده
نوماس كلّ الشعوب وقايد أحبابه
فزعاته الحاضرة مع كلّ مضهوده
مسجّله في سجّل العزّ لحسابه
يستاهل مسميّاتٍ فيه مقصوده
من مآكر احرار ويعشّيه مخلايه
الله يطوّل بعمره زود .. ويزوده
بالخير والله يعطّر قبر من جابه

ميقن برحماك وإيمانك على ظنّه
والّا البشر عنهم الشرهات مرفوعه
يا اللي تجرّ اللحن خذ همّي وغنّه
حاول تسليّ ضمير طال موضوعه !

يا الله لك المنة اللي مابها منّة
الحمد لك بالرضا والشكر في طوعه
يا مالك الكون يا عالم بما كتّه
تركيبه وسرّه ونجواه وطبوعه
بالرحمة الواسعة ترعاه وتحنّه
تضفي عليه الأمان وينجلي روعه
لولا البشر ما خلقت النار والجنّه
ولا ارسلت خير البشر بأحكام مشروعه
خلقت الانسان لجل عبادتك لأنّه
في طاعتك يسعد وعصيانك يلوعه
اللي ما تخشى عذابك ناس منجنّه
واللي ما ترجي ثوابك روس مصدوعه
الطف بحي همومه ما يخلنّه
لا وقّعت فوق صدره هزّت ضلوعه
يا كم ذرف دمه ويا كم ضحك سنّه
تلوّد بك ضحكته من طاري دموعه
يشكي لك الضيق وجروحه يلاحنّه
يؤنّ له ونّة .. ماهيب مسموعه
في كلّ ليله هواجيسه يسرّه
ما يصبح بخير من نومه على كوعه

سلك الح

أنا والشعر وأسرار المحبة في مهب النود
على كل الجهات الأربعة قامت تلاعبنا
زهمنا واهس داخل نطاق التغطية موجود
يراسلنا وحنًا لو تزيد الذبذبه ذبنا !
يا دار العز يا بنت الكرم وام الوفا والجود
نحبك وأنتي أول من عرفنا من حبايبنا
غلاك الراسخ اللي ننقله بين الولد والعود
تشبب مع ولدنا .. بعد شيب راس شايبنا
لك الله ما نزايد في هواك ولا نريد شهود
علاقاتنا الحميمه نعتبرها من مذهبنا
ولا ندري علينا زود .. وإلا ما علينا زود
لكنك في حمانا من لحانا في شواربنا
علامك بعد ما مالت غصونك وأثمر العنقود
تركينا لعين الشمس واللاهوب يلهبنا
تغيرتي علينا والليالي حبلها مشدود
ولازلنا نشيل العشق الأول في مزابنا
تمدين الوفاء للخاين اللي ما يحفظ عهد
وحنا ما ومرك الله تشوفي وش مطالبنا ؟
يقولون الوجيه البيض غشوك الوجيه السود
وأنا مدري لكن اللي يغشك لا يصاحبنا !



كلمات سداح العتيبي

الكويت مؤحدة خلف قائدها صباح
صف واحد سنه وشيعه وبدو وحضر
ما تزعزع شملهم من ذعاذيع الرياح
من قديم الوقت في فيّة الغصن الخضر
العلم مرفوع يا اللي تهزونه ما طاح
كل فتنة ليل .. ما تصبح إلا تحتضر
و الجهادي لو عرف فضل حي على الفلاح
كان ما يمسي ضحية قصيرين النظر
فوق ذبح الأبرياء حرمة المسجد تباح
كبروا روس الشياطين والمجرم حضر
ينقلون الأحزمة والذخيرة والسلاح
والخيانه في قلوب الخوارج ما تضر
يا ولي الأمر ما عاد بلحاهم صلاح
لو تزين بالحي .. ما بهم وجه نظر
شوّهوا دين التسامح ولا معهم سماح
غير قطع اعناقهم قلنا وش تنتظر؟

@lafialosimey



سُرَّتْكَ الْحُجَّةُ

الحوْثِي الَّذِي شَتَمَ سُلْمَانَ بِقُدُومِهِ
ذَنْبٌ مِنْ أَذْنَابِ طَهْرَانَ وَشَتَمَ عَمَّهُ
كَبِدَهُ مِنَ الْحَقِّ وَالنَّكَرَانِ مَسْمُومُهُ
غَذَّتْ خَلَايَاهُ بِالسَّمِّ وَفَسَدَ دَمُهُ
مَخْلُوقٌ فِي مَذْهَبِ الْإِنْدَالِ مِنْ يَوْمِهِ
الرَّافِضِي يَنْوَلِدُ وَمَهَادَةُ الْعَمَّةِ
مَتَغَرَّبٌ وَيَنْقِلُ الشَّمَّةَ فِي بُلْعُومِهِ
وَيَمُوتُ لَوْ صَكَ بُلْعُومُهُ عَنِ الشَّمَّةِ
سُلْمَانُ رَأْسُ الْعَرَبِ يَا السَّيِّدَ الْيَوْمِ
مَا هُوَ بَيْمٌ الذُّيُولِ وَلَا هِيَ بَيْمَةُ
وَاللَّيْ تَطَاوَلَ عَلَيْهِ وَكَثُرَتْ عُلُومُهُ
فَاتَحَ فَمُهُ لِلْهَبُوبِ وَذَلَّهُ يَرْمُهُ
أَبُو فَهْدٍ مَا تَذَمَّهُ غَيْرَ مَذْمُومِهِ
خَادِمُ بَيْوتِ اللَّهِ .. إِبْلِيسُ الْعُورِ ذَمُّهُ
مَا عُنْدَنَا مُشْكَلُهُ لَوْ كَثُرَتْ خُصُومُهُ
مِثْلُ الْجَبَلِ مَرَّةَ الْإِعْصَارِ مَا هَمَّهُ
بَشْتٌ يَضِفُّ أُمَّةَ الْإِسْلَامِ بِكُمُومِهِ
وَمَنْ شَوَّهَ الدِّينَ يَسْقُطُ لَانْفِضَ كَمَّهُ
اللَّهُ يَعْزِّزُهُ لِنَصْرَةِ كُلِّ مَظْلُومِهِ
وَيَمْدُدُ عَمْرَهُ عَلَى التَّوْحِيدِ وَيَتَمَّهُ
وَالْأَرْوَافُضِ تَجِي وَتَرْوَحُ مَلْطُومُهُ
الْلَطْمُ مَا هُوَ جَدِيدٌ بِسِيرَةِ الْخَمَّةِ



@lafialosimey

سَيِّدُ الْأَجْعَالِ الْعِثِّي

ياخامنيي والكلام اللي على حله
مشاعرك من هل التوحيد حساسه
تهديدك اللي تقوله بالبحر بله
لو يزمر الرافضي ندعس على راسه
سلمان وينك ووينه ...منت كفو له
تحمّد الله يوم يصفك لباسه
زعيم الإسلام وأنته خايب المله
ياصغر مقياسك .. وياكبر مقياسه
ذنبك بأرض اليمن يوم انتهض تلّه
بيت البدع دكّه وهذه على ناسه
طرح الجثث كوم والشلّه على الشلّه
تلين صم الجبال ولا انثنى باسه
ليث الجزيره يعقد الحبل ويحلّه
منته كفو تنطحه بمخامش بساسه
خادم بيوت الله ولا يعرف الذلّه
اللي يحاول يحوس بوقفته حاسه
الفرس لو تطوي التهديد وتفلّه
ضلع على فرسها في راسه فراسه
(سلمان عبدالعزيز) الدين في ظلّه
في كفّه السيف الأملح عنده سياسه
مفاعلك ما يروّع غير نصر الله
ما يامنك وأنت مهديّه وعبّاسه
أرضك منابت خيانه طبع وجبلّه
من ثورة الثور وأرض إيران محتاسه
يالرافضه والسعوديه دوا العلّه
رجالها تدحر المشبوه وأجناسه
مع نصرة المملكه خليجنا كلّه
الصفّ واحد بميقافه ومجلاسه
وأبوعمامه يموت بحقده وغلّه
وليا امتلت طاسته يشرب من الطاسه



ترجّل الفارس بعد قادها قود
كانت معه تمشي علي ما يريده
الفيصلي تاريخه من أربع عقود
يشهد عليه الله وتشهد عبيده
يا سعود موتك حق والحق يا سعود
إنك فقيده مثل أبوك الفقيد
وشلون ما نرثيك يا الشامخ الطود
تبكي على موتك بيوت القصيدة
طويل راس وسيرتك نور ممدود
مواقفك بسم العروبة عديده
كم مؤتمر يوم أنعقد وأنت موجود
فصل الخطاب أصبحت عمه وسيدة
من دونك فنون السياسة بلا قود
عاشت تحت بشتك حياة رغيدة
فارس هل التوحيد والسيف مجرود
ما ينثنى دون الوطن والعقيدة
تاريخك الحافل بالأمجاد محمود
سطرته ببذل الجهود الفريده

رغم المرض ما طحت لو ينحل العود
تقول ربّي خالقك من حديده
في نصره الإسلام ما عنك منشود
ملفّ ترمي به والآخر تعيده
بياض وجهك يلغي البياض والسود
وهيبة مقامك من طليها تزيده
لك كلمة تنصر بها كل مضهود
ولك نظرة بين النواظر بعيدة
كن الحروف بكلمتك تقدح زنود
والطاولات المستديره وقيدة



@lafialosimey

والمعضلات اللي لها حبل معقود
تحلها في ظرف جملة مفيدة
رحلت ما قصرت والعمر محدود
والروح تفنى والليالي مديده
الله يبيحك عد ما هبت النود
وإعداد ما قامت تهز الجريده
وفي جنة الفردوس ياسعود موعود
تدخل مع أبو بكر وأبو عبيده
عساك بالغفران والعنق مقصود
وروحك مع العشر الأواخر سعيدة

يا الله بصبح والبشير يقوده
يفرج من أمرك كربة معقوده
أنت الجواد اللي فضائل جوده
من رحمتك مكارمك ممدوده
تدخل عليك الأمه المضهوده
تحمّل منوّل سيرة محموده
العار فيها حاضر بشهوده
موجوده ولا كنّها موجوده
الشام خمس أعوام في برموده
زود على إجرام الاسد وجنوده
وطيارة الروسي تجوب حدوده
والغرب نقصه ما يباعد زوده
والحال مايل باليمن وزبوده
وتونس تصيح وليبيا مهجوده
والشر بلدان الخليج يروده
حبايله في لحيته مردوده
شبه الجزيره درّة محسوده
سيوفنا من دونها مجروده
بالشرق الاوسط زعزعه مقصوده
اللي سلامه غشنا ببنوده

يشع نوره .. والظلام يتله
والحق يظهر عقدته منحه
تضفي على دق الوجود وجهه
في ظلك الكون الواسع تظله
راحت موازين الامم مختله
واليوم بين المسكنه والذله
والضعف معها نازل في جلّه
ماهيب لا حرّه ولا محتله !!
ومثلثه .. شله وراها شله
جارك لقايط داعش وحزب الله
بالموت تملّى بطنها وتهله
يرقص مع الطاغوت ويطلبه
تسلطنوا به مخلصين المله
والنيل .. بيت الطين زاده بله
من جارها الشرقي مقرّ العله
تفوح كبده مثل فوح الدله
كل عليها قام ينقل غله
ومثل السيوف ارواحنا منسله
نقدر عليها لا اعتصمنا بالله
ما عاد يعنينا سلامه كله



@lafialosimey

يدوم عز المملكة والدين فيها مستمر
ديرة هل التوحيد وأهل الباطله بديارها
شعارها السيفين والنخله على طول العمر
والعدل فيها معتدل ميزانه من شعارها
اللي يلف يمين وإلا يسار مايلقى تمر
يلقى سيوفٍ ترمي الجثه على قبّارها
دون الشريعة ماهي بحاجة بيان المؤتمر
ولجنة حقوق إنسان تنصحها بزيف أشوارها
عند أمنها تاطى على الأشوار وتدوس الجمر
وموّلّع الفتنة كبير الراس طاح بنارها
الله يبيّض وجه من صدّق بتنفيذ الأمر
أصدر قصاص الروس قبل تبث سم أفكارها
هذا جزا اللي قلبه أسود قلب .. وعيونه حمر
يطول حبل المفسدين ولا تطول أعمارها
ما عندنا لك غير حدّ السيف يا (نمر النمر)
عسى صغيرين العمايم تعتبر بكبارها

@lafialosimey





جنادرية رياض المجد مشهوره
منهال فن التراث ورمز عنوانه
طغى عليها **خلف هذالك** بحضوره
يا كثر ناس تتابعها علشانه
خمس وثلاثين عام وصوته أسطوره
الحفل نبرات صوته هزت أركانها
يخدر متابعه .. بالصوت والصوره
ويستحوذ إعجاب صدقانه وعدوانه
شاعر (وخدام بيت الله) جمهوره
يسلب عقول الملوك بنظم قيفانه
والشعر من صغر سنه سابح بحوره
يغوص في غبته ويعانق الدانه
ملاحمه في جدار الوقت محفوره
تاريخ محفوظ بشهوده وبرهانه
(شاعر وطن) والوطن لو كثرت طيوره
ما كل شاعر وطن صح الله لسانه !
قبل القنوات تعرض كل مغموره
ومسابقة .. صوتوا لفلان وفلانه
جولاته الأوله ماهيب مقصوره
وصولاته التاليه ماهيب منهانه
يطرق لحن السياسه حسب منظوره
عالج قضايا العباد بنوثة الحانه
الله يجيره في وقت زادت عثوره
قدم جميله وعييت صحة أبدانه
والله يحفظه عدد ما ترجم شعوره
وإعداد ما قدم المعروف بإحسانه
علق لواء فوق متنه واكمل دوره
واليوم نزل مقصّاته وتيجانه
وجنادرية رياض المجد معذوره
بعد تقاعد لواها .. مالها خانه !!

ما تصلح الدنيا وتفلح بلا دين
مترابطه والخلق كل ومسعا
من راجع التاريخ يلقي البراهين
سيرة صلاح الدين .. دينه ودنياه
تسير يا ركب العروبه على وين
خطك وعر .. والسهل منته بويّاه
ما عاد تعنينا قضية فلسطين
عقب انشغلنا بالجهاد وقضاياه
ما شوّه الإسلام غير المجانين
كل يصدر من مخابيه فتواه
بين اليمن والشام والغرب والصين
البحث جاري والنصر ما لقيناه
نرفع هزيمتنا على الراس والعين
العزّ حطيناه .. والذلّ شلناه
بالقدس ثوره وانتفاضة سكاكين
(الله أكبر) واليهودي طعنناه !
وحقوقنا من عام سبعة وستين
راحت مع عصر السيوف المحنّاه
الشرق الاوسط بين اوباما وبوتين
يا طول حبله بين الاثنين طولاه !!

@lafialosimey



تكسرني الدّنيا .. ويجبرني الدين
وأقف على حيلي وأطيح متساوي
تقول لحجاجي مرّكب جناحين
يوم أنطلق مثل إنطلاق النّداوي !
أجامل اللي يعترض لي بحرفين
والإبتسامه فوقها الصمت ثاوي
من كثر ما اجاوب قنيب السراحين
أصبحت ضمن حسابهم ذيب عاوي
شاعر ولي في الشّعر وجهة نظر عين
لديتها مع مبعدين الهقاوي
كثرت رجاوينا على العسر واللين
وزادت دعاوينا القديمه .. دعاوي
من دون حزب الله وحزب الشياطين
جات المطمّه بإختلاف الفتاوي
هذا .. يحلّل كلّ عزف المغنّين
وهذا .. يحرمّ عزف كل الغناوي
كلّ يقول إنّّه يسنّ القوانين
ثوبه من الدّفه ويشته حساوي
موجة فتاوي .. واكثر الناس مفتين
رواية وحده .. وتسعين راوي
مُتَبَوِّكُ يَا بَنِي بَارِزٍ وَابْنِ عَمِيْنِ
في جنة الفردوس بأمر سماوي
ندعي لكم ونردّد .. آمين و آمين
من فقدكم زادت علينا البلاوي
غبتوا وعيّت لا تقرّ الموازين
ركب إختلاف الراي سارح وضاوي
لا شكّ ما أذمّ الشيوخ الميامين
ولا اقول فيهم شيخ بالشرع غاوي
مشكور مسعاهم على المذهب الزين
نلقى بهم لجروح الأمّه مداوي
الله يوحدّهم على نصرة الدين
ويعزّهم .. رغم إختلاف الفتاوي

الله يزيد النوادي والرياضه حلال
الناس من حقها لو تتبع ميولها
ثلاثة أرباع جيلي من بنات وعيال
عندي لهم كلمتين .. وودّي أقولها
مشجعين النصر .. ومشجعين الهلال
عليهم العنصريه سجلت قولها
عقولها غارقه في بحر لهو الجدل
تيار حمى التعصب يجرف عقولها
والاحتقان الجماهيري لا جا له مجال
على المدرج تحاذف بعض بنعولها !!
السبّ لأتفه سبب . لفضه سريع اشتعال
ولّع نقاشاتهم باللي توحوا لها
كم مشتهر في تويتر بالعراض الطوال
لو يحترم لحيته يخجل على طولها
وعرض القنوات غاض وفاض في كلّ حال
شتايم بكل شاشه تقرر طبولها
رياضة مع قليلين الأدب راس مال
تخسر ومعنى الرياضه ماهو بحولها
يا لايمي يوم اعرضها هبوب الشمال
قناعتي ثابتة من قو مفعولها !

@lafialosimey

سج
@saddahalotaibi

@lafialosimey

سبلح الحشبي

دقّ هاجوسي بصدري لين قلبي فرّه
قام يلعب ويتعبّث في سكون فوادي
يا الله أحفظني بأمانك وأكفني من شرّه
لا يخليني زهيبه بين ضلع و وادي
القريحه مستحلّه والقصيدة حرّه
والليالي مستديره والعلوم جدادي
آخر الأحداث جات بسالفه مفترّه
قوم أبوعمّه وغمّه طامعه ببلادي
جارنا في دارنا عود يقصّ الجزّه
عقب كان يصيح من خلف البحر وينادي
ما نفع في مسمعه برد الكلام وحرّه
من يخون الملح ما يقدر يصون الزادي
يركز أذنبه وعذره .. توبه آخر مرّه
وكّل ما عادت شياطينه علينا عادي
ما يلدّ الشوف غير بعينه المحمرّه
وان نشدنا وش لزومك قال وضعي عادي
يا ولاة الامر وكبود العرب محترّه
صبرها قام يتلاشى والقهر يزادي
أردعوا طهران لا تسري به (حقل الدرّه)
ثم تحطّه في جزيره بالمحيط الهادي !!
حقلنا ما هو سبيل لكلّ طائش مرّه
والحدود مرسمه واللي طمرها غادي
قادة الفرس بخفافيش الدجى مغترّه
ياخذون من الظلام المسلك المنقادي
العمائم سود والمنقود جاك تجرّه
والمذاهب رافضيّه ترفض الإرشادي
يخدمون الشرك والدين الحنيف تضرّه
من دخل في معتقدهم حافه الإلحادي
يستغلون الشريعة في مفاعل ذرّه
كم تنادوا بالجهاد اللي بيون جهادي
ما لعب بالدين غير الشلّه المنشرّه
منهج (عياال الخميني) منهج (البغادي)

ليه يا بنت العرب ما تحجبين الصورة
يوم صوّرتي عرضتي صورتك عريانه
لو تثيرين الغرايز منتي بمشكوره
سلعة اللحم الرخيص البايه منهانه
في شرفك أهل الدسايس يلعبون الكوره
ومن يشوتك عن مجاله قافل ببيانه
والخبيث اللي يحوفك ماصدق بشعوره
كان بابك ما انفتح له طق باب فلانه
خلّي أسلوب البهايم واخرجي عن طوره
مكرمك ربك بعقلك منتي بحيوانه
عيب .. لا والله حرام وعيب يا شحروره
ما غدى بك غير قولت عاشت الفنانة !
عرض كام وجمع آثام وصورة منشوره
صيده صيّاها لاش وضعيف إيمانه
خافي من اللي يحبّ المسلمه مستوره
قبل تحجز لك ذنوبك في جهنم خانه



المدح ما هو عيب للمستحقين
تستاهلونه يا طيور الفلاحي
غرض من أغراض الشعر للمغنين
والشعر مرسل القلوب الصاحي
ما قد كتبت المدح في بارد العين
حتى لو إنه من شيوخ الصباحي
مغنيني الله عن نفاق المساكين
اللي تلوح للبشوت وتلاحي
لعيون من يصرف جيوب وصوالين
تسرح وتضوي .. والمراح المرامي
حطوا سمو أميرهم بين قوسين
وشبوا عليه مدوحهم لين فاحي
وعقب أنتفخ وده يحرر فلسطين
لاشك طارت به هبوب الرياحي
عقلي معي مالي ومال المجانين
وش لازمي بالكذب والعقل صاحي
الرجل لولا عزة النفس يا حسين
الذل حافه من جميع النواحي
والشيخ والله .. من يأم المصلين
اللي يقود مدورين الفلاحي
حتى ولو مصروف جيبه ريالين
عنده من التقوى كنوز الصلاحي
إليا بدا ترتيله بصوته الزين
بدت أحس براحتي وإنشراحي
هذا هو اللي يستحق الدواوين
على كلام الحق مدحه مباحي
واللي تشيخهم في بذخ الملايين
علق مشالهم في قرن الوضاحي
الله يكثر جنسكم يا هل الدين
وسط القرايا والمدن والضواحي

كلمات
سداح العتيبي

حنّا بخير ويردنا دونه الباب
نصكّ عنه الباب ويروح عنّا
واللي لحي في خيمة مالها أطناب
وشلون يشعر بالدّفى .. ويتهنّا
هبت شمال .. وسوريا في قم الداب
ينفث عليها السمّ .. منّا و منّا
وأطفالها ما عندها ستر وحجاب
البرد فوق عظامها ما تونّا
كنّه يقول الموت ما عنه مجناب
الريح هجرس بالمنى وغنّا
تشرّدوا مابين فيضه ومرقاب
كم طفل في بالي ثيابه تثنّا
وده يذوب الثلج والثلج ما ذاب
ماله بعد ربّ السما غير حنّا
تكفون يا اهل البرّ والظنّ ما خاب
بإحسانكم .. والخير فينا ومنّا
من يستطيع يقدّم أموال وثياب
يقبل على أجرٍ عند ربّه مثنّا
تنخاكم أطفال ما تعلم بالأسباب
قامت وطاحت في مصايب زمنّا
يا (الله) يا غالب على كلّ غلاب
ألطف بحال اللي فقد ما تمنّا
وسلّط على بشّار يا ربّ الأرباب
اللي بدم الشعب كفّه محنّا
واحفظ حماة الدين من كيد الأحزاب
قوم تثير الزعزعه في وطنّا



@lafialosimey



سلام الله على أشهر نجم لامع من نجوم الليل
تميز في مواسم طلعتة عن باقي أخوانه
يبين وينشرح صدر السماء وتوَلع القنديل
تباريه المزون الغرّ وتغنّي علشانه
في حال الطقس عدل والطبيعة تقبل التعديل
تقول الارض موزونه حرارتها بميزانه
يهاجر طير وتحنّ البعارين لصهيل الخيل
لا قام القيض يطوي لاهبه ويصكّ ببيانه
عسوس القاع بالمذياغ تعطينا علوم السيل
ضمينا ننتظر برق الحيا والأرض عطشانه
رجينا محيي الميّت بفضلته مع طلوع سهيل
يغيث المسلمين برحمته ويمدّة إحسانه
يبشّرنا بهتان المزون اللي تعدل الميل
تغسل الارض ربانه تجي في بطن ربّانه
مقادمها تلوح وفي مئانيها دوي مهيل
على شبه الجزيره تنهمر ماهيب عجالاته
ثمان ايام سقيا رحمه احلى من شراب النيل
لا بلّ اليابسه يشتالها وتقوم رويانه
يعانقها الربيع وينتزعا من لهيب الويل
بعد طول الجفّيه ترتمي في عشبي احضانه !
ما تصبح غير كاسيها الخضار ونبتها كوكثيل
بساط باسطه ربي عليها زاهي ألوانه
يحطّ الّلي ينادي بالعلف ما يجابه ويشيل
ما يلقي من يسوم بضاعته .. ويصكّ دكّانه
حلال البدو يشبع ما يدور خدمة التوصيل
ولا يحتاج شدّ إنزل .. بفضل الله سبحانه
وهواة الصيد بين الطير والملواح والدرييل
تواعد بعضها وتفزّ للمقناص نشطانه
طرايف وقت الأيام معدوده في عمر الجيل
عوايدها رحي دنيا الفنا .. للخلق طحّانه
واشيب قلوبنا من موجز الأخبار للتفصيل
يراسلها المذيع ونبضها مربوط بلسانه !!!

@lafialosimey

سندباد العجيني

يقول النبي ما يدخل الجنة النمام
يا نمام كنك ما تبي تدخل الجنة
تغذا من النمة وتاكل لحم وعظام
على الحي والميت نمايمك منسنة
تطقطق بجوالك حروف الكلام السام
سمومك تدور عرض مسلم يسمنه
تشيد حسابات بتويتر وانستقرام
على كل صفحة قمت تقرر كما الشنة
تلحق عروض الناس بالزيف والأوهام
ومن ظن فيك الخير ما جيت في ظنه
عليك الخطايا مردمه والذنوب أكوام
مثل ما يقولون العرب حملة الدنه
ما خم العلوم الهابطه غير رجل خمام
عقول تغذيها الشياطين منجنه
لكن اتق الله .. قبل ترحل بقطعة خام
جهادك علينا فرض في مذهب السنه
لو ألوحك بيميناي .. وأنا ولد غنام
وسمك بوسم شاهده تأخذه منه



@lafialosimey

بأسباب شخصيتي ما شاقها فني
تحت بي حاجة مانيب راعيها
رغم ان سيفي حديد ورمحي مطني
كم شارده جيت ساحبها بأذانيها
يا مرضي الناس بين الناس متعني
من يصنع المعجزه ماهوب مرضيها
ان كان تبغى الحقيقه ردها عني
اترك شفوف الخلاق لا تناحيها
من يوم خلقتها عني .. يولني
لا عودت قلت ربّي لا تحييها
لو أنّ عيني ما تدمع ما ضحك سني
مترابطة بأول سنيني .. وتاليها !

واحظي اللي تجرّ ما استحي مني
معتاد له عادة عيا يخليها
أحسننت فيه الظنون ولا صدق ظني
لازال بالطيحه اللي ثاوي فيها
انا دخیل الله من الضيق يأمني
لا قام ينفذ ضلوعي من عراويها
مجبور أغني وأنا ما ودي أغني
الفضفضه يمكن جروحي تداويها
الشعر كنه فضاء شاسع وانا كني
طير على الحوم جناحه معنيها
ثلثين شعّار جيلي ما تواطني
والثلث الأخير مدري عن خوافيها

سُئِلَ أَيْچ

بما تحمله في بطنها تفتح المحباس
تسمي على شبه الجزيره وتغسلها
شهر كامل ولا عاد تلقى وكالة واس
من أخبارها غير الشعاب ومسايلها
ربيع مترامي من شروره إلى الفنتاس
وفي كل بلدان الخليج متورسلها
يبيد العلف ويعود راعيه بالإفلاس
حلوق الغنم والبل ماعاد هوبلها
طلع تحت ماطاها نبات طويل الراس
تربع على نعمه من الله وتاكلها
وترجع طراة البر للواهس المنحاس
من ظروف وقته والحياء ومشاكلها
يسج القدم بأرض خلا سجة الاوناس
مع رفقة من طيبها ما يبدلها
يقولون للوقت الردي طيب ولا باس
وعن دينها دنيا المله ما تشغلها
في نجد العذيه كل ما ذعذع النسناس
طرقني ووصيته سلامي على أهلها !!

بعد ما ارسلت واسترسلت موجة الهوجاس
وقامت تبث .. بذبذبتها وترسلها
تسولف على روجي وانا خاطري حساس
لا حطت في صدري سالفه قالت اشتلها
ما يحتاج اوردها على الحبر والقرطاس
من الوئه اكتبها على الاله اسجلها
تسلسل على المنكوس مع جرة الانفاس
شهيق وزفير مرتبه في تسلسلها
يا ربح المطر وش يحرمك عن شفوف الناس
ورا اللي تحب مقابلك ما تقابلها
غصون الشجر يباس وعروقها يباس
عسى الله يرزقها بغيث يجملها
كفوف التضرع ترتفع عقب طال الياس
لمحيي الهشيم بدعوة جات تحملها
ما يخفاه حال الخلق من ساير الاجناس
وفي كل ديره تشتكي له قبايلها
رجيناه من جوده وفضله بلا مقياس
مزون السماء فوق البسيطه ينزلها
ترادم شوي شوي حتى تروح اقواس
نفضها شعاع البرق والرعد زلزلها

سند الح

يا إله ترتفع له كفوف المستضيئ
لا إله إلا أنت .. ربّ الخاليق كلها
رحمتك عبره ليا ابتل ريق ونشف ريق
تطمع بلطفك قلوب تعيش بغلها
يوم قلت أعتصموا بحبلّي وحبك وثيق
إفترقنا .. نرمي حبالنا ونتلها
لين شلنا من حمول العنا ما لا نطيق
و أرتوينا من دقاق الهموم وجلها
كل يوم وطالع من مذهبنا فريق
يركز الرايه عليّ راسها ويفلها
أستدار الحال الأول بحال ما يليق
ما بقى لأجيانا سالفه في حلها
أمة الاسلام من ذلها عيت تفيق
لو حفظنا عزها ما شهدنا ذلها
الشتات يحدها تنزف الجرح العميق
والكبود إليا لهدها النفاق يعلها
ما يصوينا العدو غير بسلاح الصديق
في بعضنا نجمع سيوفنا ونسلها
العروبه شجرة تحمل الغصن الوريق
كانت تظل العرب قبل يقصر ظلها
أكتساها البين وغرابه يجرّ النعيق
ما قدرنا نمنع الدود لا يحتلها
نزعل ونستنكر ونطلق الشجب الطليق
ولا تنام العين قبل الدموع تهلها
يا مناديب السلام أخذوا العلم الوثيق
المساعي ضاعت وجهدكم ما دلها
لا يخطط مجلس الأمن خارطة الطريق
كم خريطه طشها بالمحيط ويلها
علقوا في قاعته صورة الطفل الغريق
ومن تعلّى منبر المجلس يطبلها !
السياسة خلت الشرق الاوسط في حريق
دام راس المشكله من يدور حلها
الرجاء بالله ما مات .. لو مات الرفيق
حيله أقوى من مخاليق لا حول لها

@lafialosimey

@lafialosimey



قضت كل ثورات العرب وانتهت في عام
ولا باقي إلا ثورة فوقها ثوره
متى تستريح من المصائب بلاد الشام
لا هي حيّة ترزق .. ولا هيب مقبوره !
عليها سيول الدم من وابل الإجرام
جرت واجرفت روح بلا ذنب منحوره
حساب الضحايا كأسر حاز الأرقام
ومن عاش بالتشريد يمناه مكسوره
مشاهد تضيم قلوب والمجرمين أقسام
وجيش النظام بصفه جيوش مأجوره
على الطفل وأمه يرسلون المميت السام
حياة الطفوله بالبراميل ممطوره
ومن يحاول يهاجر في بحر الخطر عوأم
يعود غريق .. ونطوي شراع بابوره
سياسة خبيثين النوايا على الإسلام
تسوق الدواعش والمجانين معذوره
علشان يلقون السبب سيرهم قدام
يحطون للارهاب خطّه ومحكوره
يبون الشتات يززع المنطقة بإحكام
مخطط يهودي واضح الصوت والصوره
لقت روسيا منفذ بعد هبت الإنسام
وقالت لراس الغرب للجرح دكتور
تفنن بغارات القذائف على الأيتام
وتترك دواعشها بالانفاق مجحوره
يا بشار كبر بالمخدّه .. و غنّ ونام
ولا اصبحت قل للروس وإيران مشكوره
يسمونك الحاكم ولا انتّه من الحكام
حكومتك بالخذلان والعار مذكوره
عميل العدو .. والحكم يبغى رجال عظام
يناسب لآخو مريم .. ويزهى باخو نوره



@lafialosimey

الضيقة اللي دونها رابط الجاش
ما تنزل إلا بالصدر الرحيبه
حاولت أمشيها وأنا خاطري ماش
غصبتها لو ما تحب الغصبيه
أعوذ بالله كل ما طيشها طاش
وألوذ به عن طيشها والتجي به
لولاي صابر رحت في غرفة إنعاش
الصبر مفتاح القفول الصعبيه
أدور العزله عن الناس وانحاش
كني مسوي في حياتي مصيبه
والسيره الذاتيه أبيض من الشاش
وجهي محشات القفا ما تعبيه
المجتمع نصه منافق وغشاش
الزيف فصل ثويه وطر جيبه
والنص الآخر ما عرف كيف يعتاش
ما هو ردي .. لكن تردى نصيبه
والشعر له ساحه ولساحه أحواش
واللي دخل بأحواشها لاح شيبه
ما يرفع الرجال تصفيق وفلاش
لو عنده الجمهور صفوا كتيبته
ما قلت يا سيلفي مثل طاش ما طاش
أقول من يظهر بطيبه يا طيبه
كم شاعر طيب وكم شاعر لاش
مع كل عشر أنعام .. تسعين خيبه



للمعرفة والعلم طالب ومطلوب
وللعولمة طفره وسرعه مخيفه
وللتقنية حاسب وللذنوب حاسوب
وللشّر وازع بالنفوس الضعيفه
وللناس طمعة روس وإحساس وقلوب
وللراس مخّ وللجوارح وظيفه
قام التطوّر بينهم ينفّض الثوب
ويومي على روس الجبال المنيفه
على ما قالوا كلّ ممنوع مرغوب
ومدّور الممنوع يلقي حليفه
يا محمّلين الذنب بحساب (يوتيوب)
عليكم أوزار الخلايق لفيفه
ما يمنعه حاجب ولا فيه محجوب
واللي معه مقطع فضيحة يضيفه
العرض وافر والحياء منه مسلوب
بين العلوم المحزنه والطريفه
بالصوت والصوره من بلاي .. لستوب
من خشّ به جت له على كيف كيفه
جلسة شباب .. أشناب عنتر وشيبوب
والبنت ترقص بالثياب الخفيفه
والمطرب المشهور بأحضان رعبوب
والكبتن الطيّارويّا المضيفه
فضايح في وقت ماهوب معيوب
العيب فينا والبصاير كفيفه
يا أمة الإسلام والعزّ منهوب
يضحك علينا الذلّ ويسلّ سيفه
وحنا نجى ونروح ونقول مكتوب
ونعمل على هدم البيوت الشريفه

متى نعود لخالق الخلق ونتوب

ونعامل الله بالقلوب النظيفه ؟

@lafialosimey

يا طول الليل في عين الكسير المنسي المغبون
عقارب ساعته ترجي نهارٍ ما انبلج نوره
على متن السهر شال القهر من خاطرٍ محزون
يؤنّ ويلحق الونّه بصيحه تجرح شعوره
نزيف الدم خمس أعوام مخلوط بدموع عيون
على أرض الشام بثّ المجزرة بالصوت والصورة
تحت قصف النظام الغاشم المتكبر الملعون
جنايز شعب مسلم والجثث بالغبن مقبوره
جحافل هتلر الشام استباحة حرمة المصيون
على قتل البرايا بالسرايا تمشي بشوره
شجاع مع بني شعبه ذليل مع بني صهيون
ولو شمّر ذراعه لليهود تغود مبتوره
يا نعمة سوريا نابت على راسك ثلاث قرون
بهيمه والبهايم بالقرون العوج مغروره
سلاحك روسي وجيشك من جنود العجم معجون
تشبّث بالحكم والشام منهيه وماموره
معك حزب الله المجرم ودونك داعش المجنون
وخلفك مجلس الأمن المراوغ لاعب دوره
بعد راح السلام اللي يقولونه فلم كرتون
يا مندوبه مساعيك الحثيثه غير مشكوره
على بشار يا بوتن .. على هامان يافرعون
ما باقي خطه في لعبة الأشرار مستوره
تخاذلنا بعزتنا رمانا في مكان الهون
زمان العزّ ولّى من زمان وطارت طيوره
لبسنا العار والجزار ياكلنا بدون سنون
نحسب إنّنا على قول المثل شوكة بحنجوره !
يا حريّه .. شعوب الشرق الأوسط لو عليك تمون
ما راحت تمدح الثوره وعادت تشتم الثوره



تترفع بأخلاقه وحفظه لدينه
التفاوت بالبصائر خابرينه
دون حدّ الموس تغنيه المكينه
قام يلعب بالتقاليد الثمينه
اختلف طعمه على اللي ذائقينه
يضحك من المبتلى ويصر عينه
ماهي بكرسي وعكازه رهينه
كان مايقدر يعينه لا يهينه
جداً من تدبير الاقدار بيدينه
علته في مخ راسه مستكينه
ما يحول ابليس بين الله وبينه

سيرة الطيب ما تلحقها حماقه
والأسامي لو تشابه بالبطاقه
شرهه الأصلع على موس الحلاقه
مجتمعنا سائق التغيير ساقه
طعمه الحالي غدى مر مذاقه
كم معافى ما عرف معنى الإعاقه
الإعاقه بالمفاهيم الدقاقه
علموا من شاف له مشلول ساقه
يحمد الله والقدر فيه اصطفاقه
ما تشمت بالمعوق غير عاقه
من جعل بينه وبين الله علاقته

يا خوال أظهر بشر والعرب فيهم فروق
الشرف حنّا هله بين كلّ أنسابها
تاج راسي جعل راسي فدا برقاً وروق
شعلة الأمجاد والنّار من شبّابها
ربعي العتبان روسي على طيب العموق
ليه ما اماري بهم وافتخر .. وأنا بها
القصيد بسمها واسمها يزهي الطروق
كم ضماير بالثنا حرّكت دولابها
دون قاصر بالقبائل تحوق النّعم حوق
ما حقرهم مدحي لربعي ولا عابها !

الحمايا الجاهليّه تقطّعها الفتوق
تفضح اللي حاولت تستتره بثيابها
ما يغط النور بين العرب رجل صدوق
كلمته تحسب عليه .. ويحسب حسابها
لو يروح المدح في غير ناسه مايلوق
العقول المبصره صاحيه بأصحابها
مثل ما نعطي حقوق الرجال إلنا حقوق
ترّبت يا لحيه ما تعزّز أشنابها
للسما يا عتيبه الهيلا أرقى ..فوق فوق
قمه واللي تعزوى بها .. يرقى بها
الرعود بمدحها تحنّ وتلوح البروق
والجمايل مع عتيبه تسيل أشعابها
في سنام الطيب .. بالعزّ ما معها لحوق
دكّت الأقوام بجيوشها وركابها
كنّها ما خلقت إلّا تسوق المجد سوق
ياقف التاريخ لاجا .. يفلّ كتابها
سادت بنجد وتعلّت ميبّسة الحلوق
قبل الاكوان القديمه ما يقفل بابها
تلطم العايل وتاسم جبينه بالحروق
وإن تذكّر لطمته قسمته يرضى بها
عاشت عتيبه عظيمه على أهل الشرّ عوق
وفي مجال الخير سيره تعجّ أطيابها

@lafialosimey

سجّ
@saddahataibi

الحمايا